

尚書兵部崔景榮免以王象乾代之

左僉都御史王德完上言司禮太監盧受

神祖舊臣 皇

上方任為心膂豈得反為寇仇乞俞受前請令司香留都則  
群疑可釋楊鎬李如楨之獄關繫非輕須酌通國之論不妨  
遣戍立功異收後效司農李汝華年衰令歸骨以休老臣

上命盧受私宅閑住楊鎬李如楨准從寬政

癸丑給事中霍惟華言司禮之責成既重則繼盧受之後者  
必得小心忠順任之方可而道路之口皆以為王安迫欲得  
以為威福之地又聞其告病調理乃眺遊西山有不可代為

之解矣


六月癸酉大學士朱國祚入朝

乙亥以大婚禮成大學士劉一燝韓爌各進少保兼太子太  
保廕尚寶司丞

戶部尚書李汝華致仕進太子太保

丙子熊廷弼為兵部尚書兼右都御史駐札山海關經略遼  
東陶朗先為右僉都御史巡撫登萊

江州忠州土目交惡江州句祿州酋何惇寇忠州掠人畜分  
兵掠新寧州



戊寅增順天中式二十名應天十名各省三名是年山西舉  
宗生二人江西陝西河南各一人山東四氏學二名遼生一  
名皆不在額以上諭宗生聖裔中式各加額外也  
乙酉汪應蛟為戶部尚書何熊祥為南工部尚書王之寀為  
右僉都御史巡撫寧夏  
辛卯以平苗功舊輔方從哲葉向高方劉一燝韓爌提督張  
鶴鳴等各陞廕有差  
甲午兵部尚書王象乾以原官提督保定  
淮安大水

七月乙巳 上以內犯田詔侍奉 皇祖劉朝侍奉 皇考赦  
罪送司禮奏請定奪輔臣言 皇上欲寬者恩法司所定者  
法不聽

戊申前按察使高出降副使監軍廣寧胡嘉棟監軍遼東戴  
罪立功

奉聖夫人客氏男侯國興廕錦衣指揮僉事

大學士沈淮入朝


命降田詔等奉御閑住

辛亥命降司禮太監王安為淨軍發南海子復禁私通往來

國權

天啟元年


十四




勅賜熊廷弼尚方劍麒麟服一幣四金四十宴都城外廷臣  
陪餞從行將領幣一金二十標軍人二金  
己未南京御史王允成疏劾黃克纘言鄭穩山乘移宮而盜  
珠寶克纘乃倡言實係選侍之物臺臣焦源溥疏云為元子  
二者為忠克纘則曰為皇祖而全其貴妃富貴其愛之  
者為忠之大又曰光昭刑予之令德莫傳宮闈之失尤為忠  
之大至云先帝不得正其始聖母不得正其終然後可  
以議此獄何其忍于出此言也  
祁伯裕為南右都御史魏養蒙陳薦為南戶刑部尚書

甲子給事中孫杰劾冢臣周嘉謨以年例處霍維華由于疏  
刺王安也

八月丙子遼東巡撫王化貞奏參將毛文龍之捷初化貞遣文  
龍從海上結聯四衛約兵朝鮮會叛將楊于渭以蓋州降東  
文龍遂由廣鹿長山等島達朝鮮之彌串堡偵鎮江守兵弱  
游擊佟養貞選軍二百餘人掠高山遼右衛生貞王一寧朝  
鮮借兵回遂謀襲鎮江分二百餘人夜渡又間通中軍陳良  
策約為內應襲破之縛養貞及子松年等六十人乞濟師速  
渡三岔河為牽制及調兵三萬從海上徑至鎮江并發餉



丁丑禮部左侍郎鄭以偉上言 光宗貞皇帝 孝元貞皇  
后山陵將畢祔廟有期當定祧遷之制禮部會議 憲宗當  
祧太常卿洪文衡揭 睿宗以藩入宜祧禮臣議以裕以近  
屬遠祧從遠超近禮也入當原其始而祧當稽其序是一  
法祧一法也太常云 睿宗非繼體之君不宜躋 武宗是  
議改非議祧也臣謂不在入廟而在稱宗稱考不在稱考而  
在承大統既承大統矣可不考 睿宗乎既考矣可不宗乎  
既宗矣可不廟乎既入矣可逆祧乎 祖訓親王便殿叙家  
人禮來朝天子以 祖訓所執大圭見之藩禮則然若既稱  
宗則均貴矣勢不得復以大圭臨之故曰在稱宗不在入廟  
今制祝文稱玄孫嗣皇帝嘉靖間祝文于 睿宗曰 皇考  
于 武宗曰 皇兄不得不然然則春秋譏躋僖非欤曰僖  
乃閔之庶兄而閔先承統均諸侯也而同出于莊公兄弟不  
得相君臣穀梁謂非親 而言尊 之故非之也睿宗既均  
貴而武出于孝睿出于憲視閔僖不同况閔僖之躋或同一  
廟而今制萬歷間圖 睿宗在 世宗上為昭 孝宗 武  
宗 穆宗為穆宋人所謂以東西為昭穆而非以昭穆為尊  
卑亦未始有躋之 嫌矣故曰在稱考不在稱宗自正德遺



詔有繼統之語又無終兄弟及之文寔遵祖制斯詔一出  
孝宗則有子世宗非繼後天下無無父之子不考睿宗  
而考誰乎故曰在承統而不在稱考肅皇帝不忍以天下  
易其考遂翔千古不經見之典宣宗當祧先臣陸樹德亦  
疏請先祧睿宗天下非不韙之乃累朝終順祧而不改亦  
不忍奪肅皇帝之不忍以成一順不獨本于情亦限于叙  
耳推太常之意祧而奉之玉芝宮蓋以裕可合食也四時可  
共享也則祧與不祧等豈非忠孝之極思哉然苟可裕也何  
必先祧子而後父于迹非順于序未安于是遂祧憲宗

命監軍道副使梁之垣宣諭朝鮮毛文龍陞副總兵官賚二  
金自文龍之捷朝議恢復有機勅登津二鎮并力征勦及令  
朝鮮犄角

丙申燬北臺萬歷辛丑建亦春秋泉臺之毀也

巡撫貴州李標免

淮水清

熒惑太白鬥西方歷兩月同度


九月己亥朔勅脩兩朝寶錄

甲辰御史王心一上言客氏保護劾勞諭戶部給地二十頃

國權

天啟元年

十七




為香火魏進忠侍衛有功工部議叙錄夫當此經撫協勦時  
皇上先左右而後疆場重懷宮中之私勞而輕念邊臣之積  
苦聖德無瑕忽有此累則不便之甚東征將吏聞之以為吾  
屬捐軀命為天子任艱危曾不得如左右之人邀天衷之眷  
注毋乃解其體而灰其心乎 上諭遼東將士披露眠沙朕  
豈不念發帑犒賞隨依所請且內廷恩澤與閩外大計有何  
干涉姑不究

己酉奢寅據永寧衛城督稅同知王胤昌被陷陰遣吏賫印  
繳成都至二年五月病卒

癸丑永寧宣撫使奢崇明發兵七千餘人以土目樊龍樊虎  
領至重慶聽閱

乙卯奢寅反于重慶殺巡撫徐可求守道孫好古駱日升李  
維周知府章文炳推官王三宅順慶同知王應科叙州同知  
熊嗣先遵義叅將萬金指揮王登爵巴縣知縣段高選縛總  
兵黃守魁後遇害前鞏昌同知董盡倫聞變入城殺賊遇伏  
死募兵給事中明時舉御史李達俱遁奢氏種人獠獮也世  
宣撫使數傳至從周子崇明以疏屬得立性陰鷲謬為恭  
順允徵調俱赴人狎之子寅尤雄狡負勇力納亡命奸民何




若海等為之用謀不軌奏提精卒三萬人援遼因益治兵械  
遣其黨樊龍等往重慶故增其籍倍所調撫臣往蒞之索餉  
人十金弗繼激其衆為亂時土兵數千列江岸城內砲震皆  
起應之遂據重慶分兵扼夔州一出綦江一出瀘州一截棧  
道全蜀震動

奢崇明陷遵義遵義道臣李仙品叅將萬金督兵赴重慶時  
城守空虛崇明率衆奄至署印通判袁任先期遁賊遂焚掠  
納谿永川長寧榮昌隆昌璧山皆空攻合州知州翁登彥方  
禦攻江津知縣周孔嘉破走之陷興文知縣張振德不屈率  
妻子赴火死後贈光祿卿廕錦衣正千戶

石柱宣撫使女官秦良玉勤王良玉兄秦邦屏邦翰援遼力  
戰死弟民屏重傷突圍出得歸時藺賊厚賂秦氏求助良玉  
斬使留銀率所部精卒萬人同弟民屏侄翼明環甲疾趨潛  
渡重慶營于南坪閘扼賊歸路遣兵夜襲兩河焚其舟以沮  
賊泛舟東下自率大兵沿江而上水陸並進又留兵一千多  
張幟旗護守忠州以為犄角之勢移文夔州設兵瞿塘為上  
下聲援

丙辰陵工成尚書周嘉謨王佐進太子太保餘陞賞有差輔



臣劉一燝韓爌進少傅兼太子太傅歷中書舍人何宗彥朱國祚沈淮進太子太保歷監舊輔方從哲歷中書舍人壬戌故司禮太監王安卒王體乾喉客氏忠賢遂降南苑淨軍以劉朝提督絕其食飲而縊殺之崇禎初賜昭宗祠蘭賊逼成都時叙瀘郡邑瓦解裨木龍泉諸隘俱失指揮冉世洪雷安世瞿美周邦泰張愷率衆拒之邦泰至資陽遇賊不戰降冉世洪等至九泉賊據山臨下洪世安世美俱死之張愷走免賊遂薄城內僅鎮遠營兵七百人及調至松茂龍安兵一千五百人御史薛敷政左布政使朱燮元登陴而


守初燮元以輯瑞就道蜀王與百姓遮留之遂慷慨自誓使土司坤汝常指揮常恭乘賊殲其鋒次日賊以草牌進矢石不得近用火箭擊之殺數百人及募賊又以鈎梯數千薄城燮元戒士卒第放砲石上譁遲明賊屍邱積時濠水涸賊偏難民芻薪壘土構葦如屋伏弩仰射垂簾蔽矢乃夜進壯士持膏芻焚之潛決江都堰水至濠溢賊治橋得少息因緝內奸二百人懸首陴上賊立望樓燮元曰賊設瞭望必出剽掠其中虛命死士五百人突擊之斬其三將焚樓而還

十月庚午張鶴鳴為兵部尚書

國權

天啟元年

干





壬申王三善為右僉都御史巡撫貴州

給事中倪思輝朱欽相劾客氏謫外

戊寅御史王心一言科臣論客氏不過謂諭旨不可不信家法不可不守尚不如漢臣犯妃匹之嫌有卻坐之釁也不意有干 聖怒即加誅調昔唐高宗欲立武氏群臣苦諫李勣曰此陛下家事何必更問外人遂至流禍唐室佞言之臣往往類此 上責其引前代事悖逆不倫降三級調外甲申閔洪學為右僉都御史巡撫雲南已未朱燮元為右僉都御史巡撫四川許便宜行事

十一月庚子給事中毛士龍劾籍順天府丞邵輔忠免以互訐

也

壬子淮安大雷

壬戌進葉向高少師建極殿大學士尚寶司丞賜金五十

廕


幣四雙劉一燝韓爌少師兼太子太師廕中書舍人金幣如之何宗彥朱國祚少保兼太子太保廕監史繼階太子太保兼文淵閣大學士廕監金幣亦如之前輔臣方從哲吳道南各廕中書舍人金幣全

丙寅四川石砮女官秦良玉奏言川兵大變臣率部眾討賊

國權

天啟元年

主



上嘉之

御史陳九疇劾大學士劉一燝負君誤國給事中孫杰亦叅之併及冢臣周嘉謨

周嘉謨罷初諭一燝嘉謨並逐蓋向高疑一燝忌之檢討繆昌期自楚主試還見向高曰南昌漢陽不應逐內傳不可奉答曰上所傳何不奉昌期曰吾師老臣以去就爭之必能過其漸也若一傳而放兩大臣復後不復可止矣向高默然始改溫旨

繆昌期曰嗟乎王安死而南昌逐南昌而逐勢重不可返


矣福唐恃其權智可寵可愚時亦有所補救而卒不能過其橫流豈非天哉

十二月戊辰朔建虜窺廣寧以兵屯海州

壬申張我續為兵部右侍郎提督川湖雲貴賜尚方劍陝西鄖陽巡撫暫移漢中夷陵應援

起董其昌太常少卿

已卯御史江東謙言經撫不和幸有明旨會議者曰孔貞欲戰廷弼欲守夫廷弼非專言守謂守定而後可進戰也化貞銳意進戰豈戰勝而可無事守也萬一不勝而又將何以



守也大學士葉向高言經撫會議漢史趙充國平西羌雖主屯田而辛武賢亦竟以力戰取勝今廷弼能為充國且留化貞以為武賢亦何不可惟是廷弼之于化貞作用既殊而欲化貞受其節制則舉朝之人皆以為難行同官皆爭之豈臣一人所敢獨任本兵張鶴鳴與廷弼素不協謂化貞胆略可任職方郎中耿如杞主事鹿善繼皆袒化貞凡廷弼所言一切阻隔廷弼度力不能勝以標下兵盡付化貞疏曰化貞有功臣不敢與分功若化貞有失臣願不與同罪云化貞志大而慮淺見堂官右之益自詡建虜令叛將劉愛塔盡取四衛


屠鎮江攻毛文龍于弥申堡文龍不能拒乃去之皮島居焉

張問達為吏部尚書

辛卯川兵復安岳

癸卯標鄒元標為左都御史


雲南巡撫沈敬玠陞南兵部右侍郎上言自嘉隆間及五皇祖初年雲貴方面多轉開府清卿近何絕響此藩臬優處之當議也從來藩臬遷轉惟論資俸往今歲雲貴後移內地今何一入雲貴再無內望此遷轉流通之當議也九邊司道考滿即陞二級今填中處瀕蠻而朝問不通鴻音不至其



若更倍于九邊乃廟堂不一軫恤宜照九邊例之當議也滇  
中郡縣不無循卓而清華之選絕無一人則有志之士孰肯  
就途此有司行取之當議也善地有司陞轉填南豈無一時  
愛憎乃馳驅萬里受事方新吏議隨及之則後之陞者如墜  
深淵孰肯冒險來乎此察典宜恕之當議也除官者三年不  
至地方不得其用今宜嚴為之限有不願赴者追憑繳印以  
便銓除而規避之人即革秩永不叙用不用任其夤緣銓改  
善地此憑限之當議也滇中雖遠然以待川貴之人則壤地  
相接不為甚苦以後宜先盡川貴人才而後及于別省此就

就銓除之當議也

乙未復樂至石砬女官秦良玉率兵三千人至成都



國權

天啟二年壬戌

藍官設遷孺木著


正月丁酉朔蘭賊數千人大噪而去為旱舡形如舟高丈許長  
五百丈樓數重標羽旂葦第左右板如平地一人披髮伏劍  
塔中數百人各挾械弩半千運石轂行之旁翼兩雲樓如  
左右廣俯視城中老幼皆哭燮元曰此呂公車也破之非礮  
石不可以巨木為杆柱置軸柱間轉索運杆千鈞之石飛擊  
如彈丸賊舟不得近復募死士擊敗之裨將劉養鯤言諸生

國權

天啟元年

一


國家圖書館, NATIONAL CENTRAL LIBRARY, TAIWAN, R.O.C.



范祖文陷賊中遣孔之譚來言賊將羅乾象欲歸正變元即遣之譚復往與乾象俱來變元與敵成樓酣寢達旦乾象誓以死報繼而出後賊營纒悉畢知者乾象之力也又使牙將周斯威詐降質其來預伏伏待之崇明果至甫懸一人上守兵不知而噪崇明走免獲其從騎數人崇明謀遁象乾內變四面火起崇明父子拔營走乾象來歸成都圍凡百有二日而解賊歸重慶

辛丑會議經撫張問達主責成經撫功罪一體王紀議罷經略周如磐專用遠撫黃克纘周道登李宗延專任經略張鳳翔議經略應削級待罪何士晉令責二臣分任其事王永光主撤經略陞巡撫任之上諭其協心并力功罪一體同論著為令

禮部主事劉宗周上言亟伸討賊之法陷撫順清河縱敵得志巡撫李維翰也棄開原而逃推官鄭之范也通虜速禍經略楊鎬搃兵李如楨也航海逋逃監軍高出胡嘉棟康應乾贊畫劉國縉也逃而待罪境上理餉傅國監軍牛維曜也身坐嗾不自歸里反以知縣陞僉事者佟卜年也亡功受上賞遙制山海不能輯和撫臣必喪全遠今經略熊廷弼也通




夷起衅奸璫盧受也受之黨弒君漏網奸璫崔文昇也凡此  
諸臣異名同罪異罪同情麗以五刑而輕重布之又何道焉  
時滇賊蜂起在霑益曰設科曰李賢在平夷曰補鮓亦佐曰  
安應龍在羅平曰阿應在武定曰張世臣而羅平為劇洱海  
道副使黃 監軍援黔次曲靖水西土同知安邦彥糾安  
效良同叛殺都司李文常楊明廷滇兵殲焉

甲寅刑部員外郎徐大化劾熊廷弼

丁巳建虜破西平堡初敵分三路入自柳河三岔黃泥窪  
木為筏東流至狹處渡河直攻西平叅將羅一貴力禦傷敵

甚衆圍數日不下化貞遣總兵祁秉忠劉渠往援而巡撫中  
軍孫得功及黃進前通敵令攻中路于是二將俱沒一貴力  
竭死之屠其城

戊午廣寧兵潰時建虜屯鎮靜堡伏而未動經略自古屯聲  
援敵亦防變駐沙嶺遣游騎前哨得功啟生縛巡撫以為功  
訛言敵已薄城迎降者免死人爭昇香亭迎之總兵江朝棟  
監軍高邦佐禁之不能止化貞方闔署不知也賴朝棟掖之  
出城乃免邦佐自經其僕高永亦從死熊廷弼聞變東馳遇  
化貞于前屯化貞流涕廷弼但哂而已遂聯轡入關所過悉



令焚毀云無以資敵于是關外民居蓄積為盡

乙酉建虜始入廣寧河西流人及逃兵至有數十萬奔竄入  
關薊督王在晉移鎮山海疑來奸究閉關不納廷弼極言保  
任得入報至朝廷震動

壬戌兵部左侍郎王在晉奏乞賑渡海遼民命發金帛十萬  
往賑

癸亥黃克纘進太子太保改兵部尚書協理戎政

兵部尚書張鶴鳴自請視師進太子太保賜蟒玉尚方劍

甲子魏養蒙為南兵部尚書


禮科給事中惠世揚糾直南貢士高如麟順天貢士張惟勤  
查廷楠浙江貢士錢千秋賄中

乙丑諭兵部令廠衛緝京城奸謀禁居民放砲及各官歸孥  
貢士私還者罪之

水西賊攻安順安莊永寧諸城土司羅應魁偽順天王沙國  
珍偽忠順王何五偽成天王

二月戊辰監軍出胡嘉棟再逃逮之<sup>高</sup>

辛未命大學士何宗彥朱國祚主會試初擬顧秉謙副考上  
以首科特用二閣臣





兵部左侍郎王在晉請招遼東潰兵從之

吏部舉卓異布政洪翼聖等二十二人

壬申王在晉言撫臣王化貞派軍駐前屯同寧前道張應吾  
相守聞芝蔴灣尚有米二十萬石覺華島米六萬石事尚可  
為也宜收復寧前自贖于法可寬從之

癸酉御史張秉謙劾尚書張鶴鳴郎中耿如杞

甲戌夜月犯天關星

丁丑逮王化貞免熊廷弼聽勘

庚辰諭加派以北直隸頻年煩累免之有司團練鄉兵遺民

來歸內地發穀賑濟俾黎閭田錄其智勇

王紀為刑部尚書

水西土目安邦彥反犯貴州初蘭賊久圍成都誑檄諸夷云

克成都以金帛賞購諸夷水西安氏與蘭世仇宣慰使安位

幼弱邦彥以支庶擅政聞蘭已得蜀亦欲乘間援黔而蘭賊

交依為逆解仇暗結又招合諸夷勢復逞

已酉霑益叛酋設科攻平夷衛陷之


丁亥解經邦為兵部左侍郎經略遼東

壬辰刑部主事王之寀言國仇未報者三一為李可灼誤用

國權

天啟二年


五



藥引進者誰崔文昇故用藥王使者誰一為張書紳深入敵  
巢致銀三千兩帶書嫚罵則盧受為之鄭貴妃主之方從哲  
聽之其一為張差突犯宮庭禍生莫測乃劉廷元以風顛具  
奏胡士相等以賣柴成招矣搃之用藥即通虜之術通虜即  
挺擊之謀也 上以已經 皇祖處分不必追論


癸巳兵部左侍郎王在晉覆奏右庶子張鶴撫諭西虜之策  
曰虎墩兔憨牽制諸部即建虜亦屬之往年憨祖父嘗欲我  
貢市王爵如俺荅故事而不得抱恨終身豈肯坐視如踞遼  
陽甘自斷其衣食之路乎且以廣寧至山海論之其市有高  
臺堡興水堡鎮遠關大福堡太康堡其長六十惟利是求部  
落既眾市有分地我之布帛諸物彼日用所需而彼之馬牛  
非我市不售即一部思逞各部亦不相從我力不能守廣寧  
敵未至先潰彼完而歸我則數十萬金亦何足惜令長為我  
護邊則加賞許貢養我兵力亦轉敗為功之策何閉關絕約  
他日遺肩背之剝膚哉 上是之

甲子勅陽武侯薛濂奉命招集潰兵王在晉上言潰兵已過  
通州玉田無可招莫若令招真保土兵各五千人許之  
乙未王永光為戶部尚書搃督倉場陳薦為南戶部尚書



兵部主事來斯行言臣首任永平推官餉臣委勘北岸海道自天津北至灤河至芝蔴灣前屯等處土人若樂亭海外有諸島可居辛酉臣調河間白之撫臣畢自嚴遣官閱之云自樂亭出海三十里有曹寶店青坨將軍坨白魚岡皆周圍不過二十里或十里而離西北岸青河口約二十餘里地名月坨周四十里與前曹寶店相聯南可望登萊東可探金復北可瞭山海西可衛天津誠要區也又青河口北十五里馬頭營永樂間曾移輜重閔營兵千人在彼防禦今有坐營官一員守兵百人時巡臣分天津水兵發管大藩金冠應援遼海

僅新招三千六百名陸兵一百二十名今且發三千應調矣臣之愚謂宜令管大藩金冠之兵盡歸月坨立寨屯田而遼民來歸者安插其間敵不能飛渡而西也留新兵三千名屯馬頭營山海有警朝呼夕至策無加于此者命議行之斯行尋陞天津監軍道又言成覺華島其使有六一不由彼途絕其牽制一密招叛將恢復廣寧一焚毀浮橋斷其援路一徐施方略可襲遼陽一伺探瑕隙疾趨蓋套一分兵旅順照應朝鮮故覺華者前茅也山海者中權也月坨者後勁也一應舟車之物皆造于馬頭營屯兵閑整以待可濟海島可援榆



関又言天津自大沽出海至旅順有二道南道自登萊而往  
一千六百二十里北道自順永而往一千三十里自旅順至  
鴨綠江七百四十里今詢之熟海道者又曰月坨與旅順正  
對自月坨不歷北岸徑渡可五百里而由月坨趨覺華島亦  
不必由山海寧前可二百里而至焉

三月丁酉朔大學士劉一燝罷

戊戌給事中周朝瑞等糾奸相沈瀛典兵募五百人盤據輦  
轂或伺大內隱事以告人既不往遼又不往蜀歲糜金錢六  
七萬近又遣門客顧思忠募兵一萬矣偵轅短憤意欲何為

請以問之瀛又陰使其門客晏日華潛入大內誘劉朝等練  
兵引賊入宦駙馬王昌竟自招兵馴至親王招兵長史亦招  
兵矣

解經邦辭經略遼東之命削籍

癸卯設科敗官兵于黑橋安邦彥奢寅遂欲犯曲靖敗于


元江

甲辰王在晉為兵部尚書經略薊遼

李長庚為南刑部尚書

己酉給事中惠世揚等復糾沈瀛

國權 天啟二年



四川巡撫朱燮元遣羅萬象復江安

辛亥策貢士三百五十三人賜文震孟等進士出身有差

甲寅御史陳保泰劾登萊巡撫陶朗先并募兵何棟如

給事中侯震陽疏論輔臣未及朱國祚典試特由中旨宜謝

事國祚遂請告

庚申設科攻陸涼州

以孫承宗為兵部尚書兼東閣大學士

四月丙寅朔給事中朱童蒙等糾張鶴鳴何棟如

川兵復新都初奢賊據新都繕城積粟為守計因陷安岳攻

保寧人心大震安綿副使劉芬謙湖廣監軍楊述程合兵攻

之兵至牛頭鎮賊騎數千步萬人來援秦良玉譚大孝等夾

擊敗之遂復新都賊退隴州復遵義府時湄潭叛民王倫

引賊焚掠湄潭為川貴險要都司陳一龍追至西水境降之

諸軍進駐遵義

戊辰雲南巡撫閔洪上言黔者滇之門戶黔有梗則入滇

無塗為今日計惟有亟通粵西一路自廣西田州達滇之廣


南須于其地添設公館措置廩餼從之

己巳德勝門玄帝廟枯槐自焚

國權

天啟二年

九



光祿少卿高攀龍上言釋群疑銷隱禍乞將鄭養性一家發  
回原籍李如楨崔文昇速正典刑

登萊巡撫陶朗先免

辛未姚思仁為工部尚書袁可立為右僉都御史巡撫登萊  
余茂衡為右僉都御史協理戎政李邦華為右僉都御史巡  
撫天津


已卯禮部尚書孫慎行上言綱常大分宜明弒逆顯形難掩  
李可灼進紅丸乃方從哲所進春秋許世子進藥于父父卒  
書許世子弒君然則從哲宜何處焉速劍自裁義之上也闔

門席黨義之次也乃宴然支辨可灼僅票回籍豈以已實薦  
之怨與同罪乎臣以為縱無弒心却有其事實錄中即欲為  
君父隱諱必直書方從哲進紅丸須臾帝崩恐無能為萬  
世解矣伏乞皇上令廷臣公議置之極刑上命廷臣會  
議以聞

庚辰熊廷弼王化貞獄上論死

辛巳董應舉為太僕寺卿兼御史屯田天津至山海關安插  
遼民

癸未左都御史鄒元標上云乾坤所以不毀者惟綱常而綱



常所以植立者惟信史 先帝一月仁政媿美堯舜宜速登  
信史乃纂脩諸臣謂 光宗大事令人擱筆近讀孫慎行疏  
神骨為悚既不申討賊之義反行賞奸之典即謂方從哲無  
其心無能以解人之疑也

丙戌江南桃源沭陽大雨雹

己丑京師大雨雹

琉球國世子尚豐遣毛鳳儀蔡璧入貢請封時登極大婚詔  
夷使私請賈歸巡撫尚周祚以遠夷不諳大體姑置之  
辛卯設科攻露益

五月丁酉給事中章允儒言頃見織造太監李寶參知府張宗  
衡等 皇上因而罰治之此端一開復將何極乎

癸卯刑部尚書王紀糾沈淮御史潘雲翼復劾之


戊午復給事中魏應嘉御史馮三元張脩德官

山東巡撫趙彥報妖賊徐鴻儒倡亂鴻儒鉅野人以白蓮教  
惑衆與深州王好賢景州于弘志通密約八月望日三方同  
起而鴻儒以他事先發在卞家屯刑牲誓衆寄家梁山泊據  
梁家樓為巢攻鄆城知縣余子翼遁遂據之曹濮騷動  
諸軍進偪崇慶初崇明父子據瀘沔依樊龍為援龍踞重慶

國權

天啟二年

十一



己九閱月其城三面臨江春水泛漲瀾漫不可渡其出入必經之要道惟佛圖閣至二郎關一路賊自通遠門至二郎關連營十有七宿精兵數萬搃兵杜文煥率叅將楊克順直攻賊營秦民屏率石砭兵遠出其後賊驚敗遂復佛圖二郎關殺賊三千餘人進逼重慶


壬戌四川巡撫朱燮元復建武長寧擒偽相何若海別將及酉陽石砭之兵殺樊龍張彤遂復重慶

六月丙寅予文學博士方孝儒祭墓  
丁卯鍾羽正為左僉都御史

四川巡按御史張論言隴賊奢崇明糾水西攻賊破長寧珙縣犯叙州

庚午妖賊攻鄒縣署印通判鄭一傑遁進攻滕縣知縣姚之胤遁時括餉俱盡至是無餉可給 魯王捐貲保城 上賜璽書褒之山東都指揮使廖棟破武安賊巢斬三千餘級賊奔梁家樓都指揮使楊國盛斬賊千級官兵復追之又斬二千餘級遂復鄆城鉅野


乙亥貴州宣慰同知安邦彥叛邦彥安克臣別支也堯臣冒隴姓并隴地受撫得龔兄疆臣世職堯臣死妻奢社輝子安





位幼邦彥約之反與土目安邦俊魯連安若山陳其愚陳萬  
典等俱叛都司楊明廷以三千人敗沒于畢節叅將尹起易  
自烏撒奔回霑益爰方松林皆不守平夷衛亦為賊黨李賢  
所破賊圍普安安南雲南都司李天常帥兵四千救之賊將  
羅應奎偽降誘至疊水舖伏發全軍皆沒于是曲靖武定尋  
甸嵩明之間騷然苦兵矣賊分遣王倫石勝破甕安襲偏沅  
以斷我軍倫等楊應龍餘孽也洪邊土目安萬化糾苗仲九  
股據龍里邦彥自統蜀賊苗仲數萬進圍貴州自二月初九  
薄城百行計攻城撫臣李檉按臣史永安悉力禦之賊四面  
伏路以斷出入盡掘坟墓殺掠甚慘搃兵張彥芳將兵二萬  
赴援隔龍里不得進

辛巳安邦彥破烏撒衛指揮管良相死之初水西未叛良相  
語李檉曰奢賊反安必繼之黔中無兵餉猝然有變計將安  
出宜招兵萬人積二年穀用許成名將之以觀其變檉以力  
不能止良相以祖母病乞假去泣曰烏撒孤城且與安效良  
相仇水西有難禍必首及良相願以死報國乞將長策保此  
一方檉亦泣去甫一月而難起烏撒首被賊破良相自縊死  
王三善進兵平越兵止萬人副搃兵徐時逢叅將范仲仁不



相能仲仁先進遇賊于甕城河戰不利時逢不救敗績馬一  
龍白自強殲焉

戊寅吏部奏恤錄馮應京吳寶秀李沂曹學程盧洪春王正  
志華鈕王之翰吳應鴻俱贈少卿為一等次則顧憲成張棟  
李猷可孟化鯉傅好禮雜于仁王敬淦本范雋何選楊文煥  
王之棟葉初春錢一本賈名儒楊其休舒弘緒吳之臣陳尚  
象安希范張貞觀王如堅沈燦吳弘濟顧文選于孔蕪楊天  
民陳嘉訓遂中立張同德時偕行鹿久徵劉仕瞻鄒邦彥耿  
隨龍馬經綸宋燾黎道照林培戴士衡錢養廉穆深劉道亨

陳泰來王紹先甯時鏌陳繼春費必興萬國欽劉文卿彭應  
參朱長春王學曾朱維京喬胤王士騏吳文梓馮生虞劉弘  
寶劉為楫諸壽賢柴恪俱贈少卿


已卯給事中沈惟炳劾沈淮張鶴鳴淮引疾求去不許

已丑刑部尚書王紀初糾屬官徐大化曠職九月不入公署  
引蔡京為言蓋刺大學士沈淮也至是遂上言宋奸臣蔡京  
天資凶謫興同文館獄立奸黨碑遺禍宗社茲輔臣沈淮公  
論不齒以宵人擁戴而玷撥席內結奧援外連僉壬招權納  
賄非一日矣試取惠世揚周朝瑞魏大中董羽宸之疏細按

國權

天啟二年

古



其事其結交魏進忠與京之契合童貫同也乞哀董羽宸與  
京懇款陳瓘同也要盟邵輔忠孫杰與京之固結吳處厚同  
也顧命元臣劉一燝周嘉謨之罷逐視安置呂大防蘇轍何  
異持正言官江秉謙侯震暘之擯斥視貶謫常安民任伯雨  
何異尤可訝者賄交婦寺竊弄威福中旨頻傳而上不悟朝  
柄陰握而下不知此又蔡京百世合符者也

選庶吉士倪元璐黃道周等三十六人


壬辰李可灼崔文昇戍南京

四川巡撫朱燮元復瀘州

七月戊戌故尚書黃克纘罷

辛丑冊惠妃范氏

甲辰刑部尚書王紀削籍以久稽終卜年案也初張鶴鳴行  
邊奏杜茂終卜年謀叛事卜年任河間知縣茂匿其署中三  
月合謀遣茂同其二僕往李永芳約叛事下刑部尚書王紀  
問當何如主事顧大章曰兩人同謀三月情既親信論其理  
當見妻子豈二僕而不能舉其名乎且往返數千里而不問  
僕姓名今嚴訊不認大可異也紀然之杜茂原登撫陶朗先  
千搃給千金使募兵茂浪費不敢歸報乃匿薊州寺中被邏



者獲之証以奸細其入陶幕或卜年薦之也後卜年論死  
丁未山東巡撫趙彥奏留秋班戍軍剿賊可省招募之費從  
之給事中李春燁劾其養賊貽患  
戊申妖賊據夏鎮掠糧船阻運摠河陳道亨告急把摠姚文  
慶集鄉勇敗之運道復通

妖賊攻曲阜知縣孔聞禮率民兵力拒賊去之都指揮使楊  
國盛遇賊敗績游擊張榜死之賊僭稱大乘興勝元年

景州妖賊屯阜城武邑焚掠四十餘里官兵誅之

艾山賊劉永明僭稱安民王聚黨二萬餘人官兵破之獲永

明臨刑猶稱寡人云

妖賊攻兗州摠兵楊兆基擊賊殺千餘人賊據滕縣

庚戌設科攻亦佐知縣封存章賊未至先遁

辛亥南御史王允成疏劾陶朗先之罪

禮部尚書孫慎行罷

沈淮致仕進少保予廕賜蟒駙歸兵部尚書張鶴鳴免

貴州摠兵楊愈茂敗績于江門白杆營推官郭象儀死之遵


義復陷

八月丙子孫瑋為刑部尚書

國權

天啟二年

十六



己卯大學士孫承宗自請督師經略遼東軍務進太子太保  
賜蟒王金幣

壬午顧秉謙為禮部尚書王在晉南兵部尚書閻鳴泰為右  
僉都御史巡撫遼東

丙戌封 皇弟信王由檢

己丑設科犯越州衛

九月丁酉兵科都給事中朱養蒙言憲臣議開講學之壇國家  
恐起門戶之漸太公之世偶生門戶則釁逆必作職業之外  
分用身心則責任不專乞勅諭二臣立寢此舉攻馮元標馮

從吾也

戊戌董漢儒為兵部尚書陳薦為南吏部尚書

己亥加贈張銓兵部尚書何廷魁高邦佐各大理少卿


李長庚黃汝良為南戶禮部尚書

辛丑左都御史鄒元標言天下治亂係乎人心人心邪正係  
于學術臣等所講論者惟是銷反側以歸正直若分門別戶  
則名教所不載也若以臣等講學宜放則切磋道學一語直  
濟窮拔苦良方非盡性命妙理亦視斯道太輕矣臣又言  
焉前東林諸臣有文有行九原已往惟是在昔朝貴自岐意

國權

天啟二年

十七



見一倡衆和几付清流怨前覆轍不在臣等詩云相彼烏矣  
猶求友聲臣等求友未得平和之韵先來同類之疑願罷臣  
以為倡學之戒左副都御史馮從吾言周家以農事開國  
朝以理學開國昨二月間因東事暫停經筵旋復舉行人  
稱快臣子望其君以講學而自已不講是欺也倘 皇上一  
日問諸臣曰朕講學不知諸臣亦講學否將何以置對也  
壬寅設科攻羅平不克後攻烏撒衛陷之  
乙卯臨洮地震

己未初命是日客氏出宮 上諭內閣客氏朝夕待朕今自

出宮午膳至晚未進暮思至晚痛心不止着時進內奉慰外  
廷不得煩激

辛酉演象所災

壬戌臨洮復地震


山東巡撫趙彥攻滕縣賊黨縛徐鴻儒出降安插鄉民二萬  
七千餘人獲騾馬千匹神槍八百杆大炮二百六弓刀匕等  
十月甲子給事中侯震暘奏論客氏不宜自入乞收回成命切  
責之

乙丑李養正為南刑部尚書

國權

天啟二年

六



已巳御史馬鳴起上言日見聖諭保姆外出憶念痛心夫以  
一品之名號加以第宅廕其胤子則酬不為不厚矣若內乏  
調護則中闈有主兩宮順承左右朝夕不可謂無人客氏既  
出而復入已去而復召戀戀不忍割使絲綸拂經喜怒乖錯  
豈所以令天下後世者也極言不便有六 上欲廷杖以輔  
臣揭救奪歲俸

庚午王之寀為刑部左侍郎


贈袁應泰兵部尚書廕本衛正千戶

辛未設科攻露益州尋退復攻陷之

甲戌給事中郭興治糾鄒元標講學之非葉向高疏救元標  
致仕

陳道亨為南兵部尚書楊述中為兵部右侍郎巡撫偏沅蘇  
茂相為戶部右侍郎提督漕運

戊寅武選員外郎顧大章以御史楊維垣論其鬻獄辯曰論  
經綸撫救經救撫之疏上慮數十揚之則九天之上沉之則  
九地之下衆論不同舉朝聞且見之臣議誅心則廷弼難未  
減論事則化貞乃禍魁頗亦自謂持平即臺臣所指八議之  
說不特臣有之全招具在想臺臣或未竟覽也今諸臣被論



辟矣毋論臣非鬻獄之人且業已辟之何鬻之有也何維垣又攻之


庚辰脩撰文震孟上勤政講學疏時內宴為偶人之戲宴畢忠賢曰文狀元疏中以偶人比萬歲殆難宥傳旨杖八十閣臣力救票罰歲俸有旨放歸

辛卯庶吉士鄭鄮言脩撰文震孟疏候命決旬未蒙報可是留中之漸也留中不下是壅遏之萌也壅遏不通是竊弄之机也本朝此弊惟武廟與神祖末年最多在武廟時蓋因權璫之煬竈在神祖時則係奸輔之藉叢臣歷稽史

冊凡召禍之端而今皆見之曰內降也留中也內降之有有二屢旨用以頻斥大臣其机関使人駭而留中之一綫或以陰淆聖慮其徑竇使人疑清明之朝豈宜有此願皇上早圖之也 上諭朝儀大典累朝成規文震孟如何比擬偶人鄭鄮黨護同鄉俱降二級調外

有龍見于北花房之河即太監宋晉之膳房也其形長尺許有爪無角其鱗如碧光耀目晉以盒進之命放黑龍潭

十一月癸巳朔貴州巡撫李標陞兵部右侍郎巡按史永安陞太僕少卿俱仍任





乙未貴州巡撫王三善大會將士曰省城不能待矣外援不  
至吾輩死法死敵等耳尚何俟耶命道臣何天麒督兵七千  
從清水江進為右部道臣楊世賞督兵萬人從都勻進為左  
部三善自將二萬與道臣向日升從中路進當賊鋒  
戊戌俘何若海至京磔之

贈徐可求右都御史世本衛正千戶

庚子俘徐鴻儒等至京磔于市

辛丑趙南星為左都御史房壯麗為工部右侍郎兼右僉都  
御史總理河道


甲辰 光廟選侍劉氏封貞靜賢妃 皇弟由模追封簡懷

王 皇妹追封悼懿公主

己酉御史李之棟糾太僕少卿何棟如募兵盜餉

辛亥 光廟選侍李氏封莊妃 東李氏

乙卯史永安奏安酋自二月初旬攻省城今五閱月又攻威  
清平堪安莊普安陷安順廣順龍里赤水殺思石道副使孫  
先恕安順推官徐朝綱廣順知州鄭鼎掠同知鄭以成守備  
王茂德朝綱寧晉州人庚子貢士贈光祿卿詹錦衣千戶鼎  
龍溪人癸卯貢士贈詹同前



戊午李可灼戍邊

辛酉妖賊平

楊述中為兵部右侍郎提督貴州朱燮元進兵部右侍郎提督四川

左副都御史馮從吾罷

十二月壬戌朔貴州巡撫王三善至新添三日次新安四日命劉超為前部三善身為後勁超兵始却超斬二人以申令驍賊阿成善戰超直前斬之賊遂披靡進龍里賊復大集力復戰却之五日眾議賊兵重宜少休三善曰賊兵無備斷不能


持久也爭率兵擊之勿失六日三善策馬先進眾從之安邦彥退屯于龍洞官兵奪高寨七里冲乘勝進兵畢節鋪孫元謨以火器擊之楊明楷率烏羅兵並進之賊乃大敗其渠安邦俊殲焉賊棄輜重器械山積時會城死守几十月至是始慶更生三善營南門外坡上大雪次日移營宅溪諭奢社輝母子縛安邦彥不報數日左右两部兵至又十日楚粵蜀之兵亦至三善怒其後期且憂乏食欲因糧于敵諸軍亦視賊若易矣

己巳永寧伯王天瑞言 孝靖皇太后三十幽因鄭貴妃禁

國權

天啟二年

三十一




制 皇祖經年不容一見反以母妃禮事之致 皇太后積  
怒泪盡目枯請報其仇

庚午呂兆熊為戶部右侍郎總督漕運熊明遇南京操江周  
起元右僉都御史巡撫應天

癸未何熊祥為南吏部尚書朱光祚右副都御史協理戎政  
孫居相右僉都御史巡撫陝西

叙平妖功山東巡撫趙彥加兵部尚書餘各有差給事中陳  
熙昌上言東省蓮妖雖平地方善後宜策并請存恤脩復孟  
氏墓廟 上從之命官致祭

丙戌南京給事中歐陽調律請脩建文寶錄併廟祀命禮部  
議之



國權

天啟三年癸亥

正月甲午夜火星犯房宿第一星

鹽官設遷孺木著


已亥玉牒成進葉向高中極殿大學士詹尚寶司丞韓熿少  
師兼太子太師中極殿大學士詹中書舍人何宗彥朱國祚  
少保兼太子太保武英殿史繼偕太子太保兼文淵閣孫承  
宗少保兼太子太保文淵閣並詹監

辛丑安邦彥糾蘭賊與雲南安效良合衆數萬并力攻陸廣

國權

天啟三年

國家圖書館, NATIONAL CENTRAL LIBRARY, TAIWAN, R.O.C.



黔兵敗績初黔撫王三善分兵一進陸廣一進鴨池一進黃  
河渡至是渡陸廣河賊斷浮橋蒙兵先潰衆遂亂溺死數千  
人總兵楊明楷被執死之叅將王成名戰沒殲數千人賊乘  
勝攻鴨池總兵張彥芳大敗退守貴州土目何守土見官兵  
敗據龍里衛都指揮使章有功退守新添 苗仲復肆掠自  
龍里至甕城屍橫四十餘里

壬寅浙江巡監御史傅宗龍奏解任叅黔省軍事

已酉命朱國楨顧秉謙朱延禧魏廣徵俱以禮部尚書兼東  
閣大學士

壬子黔兵進龍里賊黨何中蔚據險阨師援兵不至

甲寅河南巡撫馮嘉會報禹州大隗山于天啟二年十月九  
日午刻有大鳥高可七尺彩色來集群鳥繞之十二日申刻  
飛去汝州張彥清身至其地則徽府太和王之莊雨雹鳥雀  
凍墜亡美訛以為鳳

夜月犯鍵閉星

丁巳命鄭養性居于遠方


滇兵攻黑耳寨破之盡降其衆遂移兵師宗

庚申御史陳必謙言昔年鄭養性父子依恃宮持掖憑藉寵

國權

天啟三年

二



靈慶賞刑威俱出其手一時如劉廷元等奔走如鶩戴福藩  
者名曰正人翼 先帝者斥為邪黨迄今奸謀大露臣子身  
家計重誰申討賊之義 皇上宜自為宗社計剪除逆賊以  
告于 先帝之靈可也

二月辛酉朔羅平圍解

癸亥吏部內計

甲子吏科都給事中魏應嘉等拾遺糾兵部尚書黃嘉善崔  
景榮張鶴鳴工部尚書姚思仁南兵部右侍郎徐必達前保  
定巡撫韓浚太僕少卿李之藻 上命進姚思仁太子太保

免之調李之藻往南京黃嘉善崔景榮張鶴鳴等許致仕韓  
浚免


丁卯御史胡繼升等拾遺糾前詹事范醇敬前巡撫靳子中  
太常少卿王紹徽巡撫徐兆魁王士昌陶朗先南太僕少卿  
郭一鶚 上命王士昌許在籍聽用徐兆魁郭一鶚致仕陶  
朗先劾奏  
已巳盛以弘為禮部尚書李長庚戶部尚書張輔之南工部  
尚書

庚午滇兵敗賊于羅平三戰俱克擒賊渠阿勒閔洪學請以

國權

天啟三年

三




安南長官司土官沙源改宣撫使許之

甲戌工科給事中方有度言工部開納事例其不可行者數事一廩生納銀准貢則壅選法一納通判運判提舉體統安在至于首領佐貳納銀請封尤為悖謬是輿隸之流得襲衣冠貽封之典竟同市販矣

丙子給事中王志道謂神祖先帝之誣不可不白遂上言曰臣見會議一疏不覺慨然曰爭此于神廟之朝則為國本爭此于神器再傳之後何為乎爭此于光廟顧命之際則為預防爭此于大寶久定之日何為乎則曰為兩朝實

錄也嗟不念及此則已苟念及此寧不傷神祖之明有

害先帝之義哉當萬歷中冊立遲而起母愛子抱之疑者人情也至先帝之于皇上則無間然矣無母愛子抱之隙也無冊立遲之請也不待分封之國而後曉然也垂簾二字又非玉几之命非出宮掖之口不過臣子設為不必然之慮激切及之也嘉事者從而寔之臣之所大痛也先帝臨崩諄以李氏託此亦人情也封妃之諭與神祖立后之命則殊矣覃恩遍天下而從龍之人何不可一霑位號豈可傳合疑端導之以刻薄臣恐兩朝寔錄必至如宋人燭



影之疑也

戊寅諭兵部發內庫佛郎机神砲八十位神銃二百五十位  
盔甲千五百二十副槍一千斧四百弩三百箭如之弓三千  
箭三千特命太監劉朝賚赴山海關督師行營勞銀十萬色  
蟒百五十匹孫承宗賜金一百蟒衣一襲

李三才為南戶部尚書南居益為右僉都御史巡撫福建兼  
防倭寇

庚辰雲南巡撫閔洪學以洱海道謝存仁叅將袁善清浪游  
擊許成名援黔請加存仁左布政監軍善副總兵成名叅將  
從之

辛巳永平府東門城樓火死三十七人


壬午鍾羽正為工部尚書

丁亥川兵破賊于長寧奢崇明父子借力水西諸夷犯遵義  
總督朱燮元合長寧納谿兩路之兵併進

戊子御史周宗建糾科臣郭鞏黨魏忠進把持察典編輯群  
臣數十餘人彙為一冊又造匿名文書于省則劉弘化周朝  
瑞熊德陽于臺則方震孺江秉謙俱欲一網盡之上責宗

建回奏奪俸二月

國權 天啟三年





三月乙未夜月犯畢宿右後第一星

陳大道李宗延為戶部尚書宗延提督倉場

己亥給事中阮大鍼劾史繼偕子數盜

庚子曹于汴為左副都御史

丙午大風霾天鼓鳴白虹貫日

丁未給事中解學龍糾張我續貪淫不法

己酉御史方大仁劾科臣郭鞏通魏進忠因論進忠甲第壯

麗塋地御制

辛亥待詔朱啟明上鳳鳥呈祥賦

甲寅四川提兵李維新出師攻永寧

四月庚申朔夜京師地震

癸亥光祿卿何喬遠薦晉江李光縉永春舉人李開芬固安

生員黃文焯海澄儒士丁玉明華亭布衣陳繼儒學行俱優

乞賜官銜風動四方

乙丑夜大理府洱海衛地震

丙寅大學士朱國祚致仕進少傅


壬申川師復遵義時賊首楊維新尤朝柄鄭應顯遵義副將

秦衍祚侯良柱督兵二千攻之誘戰于九接灘殲其渠抹賽

國權

天啟三年

六




復敗賊于羅鋼渡遂克之

蘭賊安鑿帥妻子所部降初監軍趙邦清遣其黨俞文富招之鑿心動然以妾石氏子安在嵩在符國禎營未發及官兵擊奢寅敗之乃密約副總兵侯良柱助兵良柱遣羅安良進陶公灘自帥親兵七百人同鑿部自經三寨至賊巢銃炮震天符國禎先逸鑿率妻子及部兵數千人來歸之

癸酉川師復永寧初川撫朱燮元曰我之久不得志于賊者我以分賊以合也于是列營納谿陽為進取陰會兵長寧首攻青口崖天蓬洞乘霧奪險而入與石砮兵會進攻永寧遇

賊于土地坎奢寅搏戰官兵奮擊敗之追至老君營盡焚賊營寅身被二鎗樊虎亦創死復敗賊于橫山青崗坪遂克永寧生擒周邦泰等降賊二萬溺死七計崇明父子列營江岸降者日至遂遁

安邦彥知官兵潰復誘苗仲糾合宋萬化欲犯貴兵使其黨何中蔚據龍里李二督四十八莊兵圍青山岩斷糧道宋萬化督洪邊兵苗仲為左翼吳楚漢結八姑蕩平八莊苗仲為右翼自統水西兵約共犯會城王三善遣游擊祁繼祖統盧吉兆左世選兵下龍里破蓮花堡焚三牌賊寨百五十處何



中蔚敗逃深菁龍里路通遣叅將王建中劉志敏宋迪救青  
岩斬三百餘級焚敗寨四十八莊李二中神槍逃歸水西定  
番路通謀賊糾八姑蕩洪邊兵欲犯會城三善夜遣王建中  
祁繼祖率兵一萬五千進勦八姑蕩焚寨二百餘處斬首五  
百級焚其聚積賊糧絕謀遂寢宋萬化遣人詐降三善佯許  
之而調劉志敏祁繼祖潛師赴之遂擒萬化及偽軍師劉洪  
祖萬化驍勇善戰邦彥依之至是奪氣秦民屏兵至平越復  
還守龍里諸叛苗相繼降  
辛巳鄭三俊為左僉都御史

乙酉大理少卿范濟世上言 先帝違和臣隨廷臣後南奉

先帝諭封選侍此諸臣所共見聞也凡召臣等三次無不以

封選侍為言蓋 先帝四十年青宮 孝元興 孝和相繼

賓天朝夕承顏惟選侍一人允稱 聖意故將 皇上及與

皇五托其看管而臨危諄以封貴妃託 皇上并諭諸臣


也臣昨歲入京值 皇上舉公主之時因封其母為慧妃當

選侍生皇八公主之時 先帝愛公主欲封選侍其心固與

皇上無異特未能行耳且八公主漸已長成異日 皇上不

得不加以封位既封其女不得不封其母與其後日因公主

國權 天啟三年



之封以封選侍孰若今日因先帝之命以封選侍可以慰在天之靈可以明承先之孝倘使不封實錄必書之曰上欲封李氏為貴妃已擇吉具儀上崩太子停封不予則是後世將謂皇上為何如主耶上責其誕妄要名丙戌南京大內永福永壽二宮積腐木自火星是月在斗守百日

五月庚寅朔禮部尚書盛以弘引疾去

辛卯南御史陳必謙糾褻汚太廟之吳應琦不由廷薦不由部推得復故官姚思仁交章糾拾頰陟宮保孫杰傳奉京堂

史繼偕濫竽枚卜上不聽


封裕妃張氏

辛丑登萊巡撫袁可立奏朝鮮廢立四月十八日毛文舉據朝鮮議政錢弘等云三月十三日奉太妃命以李保係權國事夫李保係弒逆長此安窮當亟為伸討但封疆多事民力不給即當遣使宣勅播告彼邦明正其罪使彼臣民討逆復辟若果李保係迫于妃命臣民樂以為君亦當令其退避待罪朝廷徐頒赦詔令祇奉國妃如國初之待李成桂者亦皇上不怒之威也初李係長子肆天生子保次子瑄以計立封保為

國權

天啟三年

九



陵陽君

林堯俞為禮部尚書

川兵發永寧進勦奢崇明連克紅崖天台二寨賊數千人迎降遂安撫紅潦四十八寨時提兵盧世卿擒偽御史汪澤遠偽叅謀文道南副將秦翼明擒偽監軍夏奇雲偽給事中孔聞過及偽印十餘鎰仗如山

丙午御士胡士奇劾遼東巡撫閻鳴泰免官聽勘

己酉滇賊攻平夷衛右布政謝存仁叅將袁善拒卻之

戊午河南撫按請錄宋儒邵雍子孫視二臣子例授翰林五


經博士

羅象乾督兵克蘭州焚九鳳樓蕩洗其巢安邦彥走客仲壩水蘭界也朱燮元撫定夷落賊入深箐不可卒得永蘭已定拓地千餘里或欲郡縣之希封賞朱燮元曰公等皆欲自營不為封疆計深山密箐其民猶鳥獸不可以中國之治也遂奏以外四里膏腴之壤歸永寧衛隸叙州內四里深險境瘠分給降將使分守其土時水西方覆黔師崇明意頗倦且病寅驍雄自如乘勢復擾蘭燮元輒擊破之安氏恐蜀兵之綴其後結崇明出沒蘭界以拒蜀

國權

天啟三年

十



雲南亦佐縣營長安應龍合霑益賊首補鮓為亂圍羅平巡撫閔洪學攻羅平克之應龍遁普安復入烏撒已安效良乞降責其縛補鮓應龍自贖效良遂縛應龍以獻水西隴賊合兵窺遵永時奢崇明屢敗與安邦彥合兵一犯遵義一犯永寧官兵合長寧納谿兩路敗之于芝蔴塘賊遁入青天

六月壬戌張鳳翼為右僉都御史巡撫遼東

癸亥孫承宗奏勦按臣罪狀自戊午發難以來經歷按臣自張銓殉節外撫順之陷按臣楊一桂也三路開缺之陷按臣

陳王庭也廣寧之陷按臣方震孺也皆經論劾然遼事一桂危矣王庭又危矣至震孺危極矣震孺自言曰封疆失守皆臣不能糾之故今遼東何在我死甘心則震孺心未嘗死也統三御史較自楊而下遭時最苦自方而上為罪漸輕丁卯吏部導遺詔續議闡幽姜士昌等共一百十人議贈官優恤

己巳收內監千人


壬申內官因索冬衣詈工部尚書鍾羽正

甲申大學士朱國禎入朝

國權

天啟三年

十一



貴州總兵魯欽進兵擒叛目何中蔚遂營紅崖紅崖素稱天  
險官兵未有至者總兵張彥芳擊賊于羊耳亦敗之追至鴨  
池河斬首二百七十餘級

國權

鹽官設遷孺木著

癸亥天啟三年

七月己丑朔太僕寺少卿柯晷為左通政

辛卯南京大內左離宮災

尚寶少卿徐良彥為大理左寺丞浙江副使姜志禮為尚寶


少卿

山東巡撫趙彥以英國公遠族張樞假英國公騷驛赫滕縣  
屠城擬成上命棄市

國權


天啟三年

十二



工科給事中方有度言遼左發難民間新餉歲四百八十五萬有奇通五年約二千餘萬頃見天津督餉侍郎畢自嚴疏每歲山歲海內外步兵十一萬零本折草料海運及文武騎將吏軍匠役人等俸給雜項之費共四百餘萬此就閔兵言而款西虜即視壬戌年例七萬金不與也此年外己未登萊增水陸兵二萬天津增水陸兵一萬四千庚申年京師立振武營增新兵三千三百辛酉年通州增騎步兵九千八百壬戌年密雲增車兵一萬張家灣增新兵六千京師十六門新兵八千毛文龍海上兵三萬共九萬一千零除登萊之兵餉

半支本省坐派銀振武營十六門之兵餉坐支京師倉米其餘新兵歲費九十萬不與也此外壬戌年薊鎮舊兵議增餉歲約數萬不與也有軍則有操賞之費有牧馬之費有脩舟車之費有官役俸廩雜項之費即毛文龍海運贍費已五萬歲費約十餘萬不與也自山海關四百萬外各處新兵歲費百二十萬合之約五百二十萬矣歲派四百八十五萬毫釐不虧盡充軍需已缺三十五萬然而不能也今北直加派四十三萬免矣山東四十四萬八千作登萊兵餉併市米運天津矣湖廣七十一萬九千廣西六萬四川二十二萬雲南一






萬六千俱作黔餉以上蠲免留用外計歲加派四百八十五萬又虧百七十九萬矣至水旱之不時分數之不及臣未暇計也以前浮於加派之外三十五萬今縮於加派之內百七十九萬二項共虧新額二百十四萬又舊額遼餉五十二萬合應補入則山海一路歲虧百六十二萬矣夫比百六十二萬也將仍問之民間乎民生寔難計天下正供九邊額餉歲入太倉銀庫約三百四十餘萬今遼事加派至四百八十五萬視正供數則倍且餘四此外缺餉百六十二萬則於加派見額又溢十之三由今之道而無變計即令東師長伏穴中

不西向遺一矢而天下已坐敝矣乞勅戶兵部總計之養兵補餉不病國不厲民毋待其變而後圖之也 上從之 許監生茅元儀赴督輔行營

戶科都給事中尹同舉以部縣逋賦求嚴考成之法凡入考成俱加免等科筭舊任俸則降俸舊降俸則降一級舊降二級則降三級甚則削籍雖陞任革任丁憂等項俱究論部覆從之

甲午巡按貴州御史侯恂言逆酋馮險負固我徵兵轉餉猝未能得其要領以勾連党與寔有為之狐兔者故必滇兵下




盤江以斷賊之臂川兵出遵義以扼賊之吭粵兵進泗城以  
衝賊之脅此全局也至目前急着一在屯陸廣蓋大方之正  
路期會未齊不宜輕進當于乾溝劉佐等處分兵截守部署  
大軍直逼陸廣使賊租無收因相機搗剿則坐困之道也一  
在清上衛善安久陷安莊一帶危同朝露然李希堯沙學輩  
么魔小醜得一大帥鼓行而前不走則就縛耳因駐鎮其間  
引滇粵之師三面環攻則立蹙之計也一在守烏江遵義咽  
喉之地黔督節制所不能及是川黔分而水蘭合也故必守  
烏江近以招徠宅邊散賊党遠以連合綏陽白羊諸軍斷賊

路而因以進沙溪瞰大方為陸廣之應使賊首尾受擊則衝  
決之象也用兵計必需餉兼必需米乞勅楚撫刻催黔餉湖  
南湖北從之

丙申命太常寺卿暴謙乃貞勅旌韓莊王妃董氏及韓王宣  
春節孝

錦衣衛指揮僉事項俊卿赴督輔行營初孫承宗以夷官副  
總兵王世忠領廣寧兵三千依虎酋部夷易其糧料招撫灰  
嶺魚皮金白諸部世忠乞俊卿為佐

丁酉安南祿州酋何惇入犯上思州圍遷隆崗掠憑祥白沙



村廣西巡撫何士晉擊敗之

己亥大學士史繼偕致仕進少保應中書舍人

故遼東僉事

予祭墓謚

辛丑前禮部侍郎范醇敬以大計拾遺被糾子南京刑部郎

中得志奏南京御史王允成把持法司賄庇親屬允成亦參

范氏貪橫不法諸臺省謂得志借題欲翻審典竟坐免

刑科給事中解學龍劾范醇敬子得志及工部尚書鍾羽正

南京戶部侍郎于仕廉候補兵部主事盧承業 上以羽正

仕廉夙望不得輕言

壬寅少詹事駱從宇為禮部右侍郎左庶子趙秉忠為少詹

事國子司業蔡毅中為右諭德纂脩寔錄

甲辰英國公張維賢等上 光宗貞皇帝寔錄寶訓 上哀

冕御皇極門內殿受之是日受朝賀

沅陵民家牛生犢一目二首三足剖之一心三腎

兵部尚書董漢儒言樞輔孫宗承疏逃兵接踵可虞巡按彭

鯤化疏牛欄山新兵夜謀逃數百人陝西寧夏宣府各逃兵


而延綏所調逃七百餘人從青山口投夷矣人情蠢動宜懸

嚴令購賞格報可

國權

天啟三年

六



刑科都給事中曾汝召言張差一案終以發奸為是風癩為非移宮一事移宮為是順從為非至於經撫喪師失地同抱頭鼠竄又同則經撫同罪為是分袒左右為非信史筆削弗可輕也臣廁刑垣立加之法問一行之如假印者可耳倘巨璫宵壬欲巧借立枷泄情所傷不小報聞

乙巳監紀兵道李仙品劉可訓等報官兵於龍場埧盡焚奢氏巢穴崇明等無所歸總兵

率參將林兆鼎兵至楠木坪白水崖等斬偽都司

等三十六級又擒偽都司陳清等四人苗級四百五十七又遵義路副將秦衍祚各進茶

園橫山箐等斬獲奢寅 等三人頭目四人苗級三百八十

四擒偽總兵王朝臣夷苗七十九人又綏陽路都司傅元勳

等攻白蕩毛臺斬獲大頭目阿獨猓苗級二十一賊勢漸迫

總兵李維新移古蘭趨合路兵

丁未外戚鄭養性至浙欲僞杭州巡撫耿庭柏言其非便命擇居避所

談遷曰鄭氏不過通籍掖廷依憑寵煇非辟翳鑿齒之兇


也遷謫外地亦足矣安在投豺虎禦魍魎哉疾之已甚末

季大抵如此

國權

天啟三年

十七




工部尚書鍾羽正罷

戊申辰州向占寧家豕生子猪身人足一目旋斃巡撫薛貞以聞

乙酉刑科都給事中曾汝召言登萊海國也敵即兗悍舍鞅馬而爭衡于舟楫雖至愚不為則登萊巡撫撤之可矣但擇才望道臣鎮之佐以叅軍率兵五千聽東撫調遣天津去海百二十里冒險深入兵家所忌敵未必來備亦不可少而彈丸之地兩建牙鉞廣設道府將官甚費則督餉部院與天津巡撫宜併一僅留才望道臣二員鎮守而分山海總兵一員

率萬人與永平道訓練至經撫位不甚懸言動易隙今裁經略獨用撫臣似不如擇一撫臣加以經畧俾駐節巖關巡行津永平與薊遼總督唇齒尤為得策其替書諸人全無寔用亟宜擯斥命下所司

辛亥以寔錄成監脩英國公張維賢進太保詹監總裁葉向高進上柱國勇尚書倭廕尚寶司丞韓爌支倭同廕中書舍人何宗彥史繼偕孫承宗進少傅兼太子太傅朱國植朱延禧顧秉謙進太子太保文淵閣大學士並詹監已改向高左柱國副總裁林堯俞進太子太保鄭以偉加倭一級周如磐



進太子賓客錢象坤加二品服俸纂脩官周炳謨張彞進太子賓客二品服俸董其昌進禮部右侍郎兼侍講學士協理詹事府來宗道等各加俸一級


設遷日 光廟匝月所錄幾何當時董其昌獨成之福清稍潤飾焉天寵游被頗逾涯分拘於往例不能越也

兵科給事中周之綱奏安攘大計其論郵政凡牌符內出或奉其差或差某人為某事非駕司填寫明白則本科不任受或有遠年或有買托概收明登簿凡自外入如各鎮總兵之差官紛紜四出諸王府內守備之差遣假借無馮偵其故在

各鎮凡一秉鉞即濫請以出及送情送借又濫假以入至王府之執符驗則曰給之撫按符驗之易勘合則曰姑準換給內監之用夫馬動至數百出京之執原數藉口傳單皆虛冒也請自今撫按總鎮所請牌符若干仍遵往例事竣時存用若干並繳部送科至部符換給傳單濫用皆裁減可也命下部議

甲寅夜有星自大角流入上台色青白二小星隨之

太監王體乾宋晉魏進忠梁棟王朝忠等十二人所廢錦衣衛指揮使等官視先年黃錦王本馮保例世襲奉聖夫人客




此子侯國興廕錦衣指揮僉事亦世襲兵部尚書董漢儒等  
言武職非軍功不世襲止許襲一輩外戚奉命則然載在會  
典先朝李化龍郭子章江鐸以播州功世廕葉夢熊梅國  
楨以寧夏功世廕李汶田樂以松山功世廕始得錦衣指揮  
使或僉事其他千百戶之世及必禦有俘斬者也今皇上  
第見諸人勤勞可嘉或未改祖制耳先年黃錦等例冊籍  
亡考錦等後人今亦無列錦衣者可以解諸內臣之惑矣吏  
科都給事中程註等河南道御史汪泗論等各言之不聽  
丙午宴監脩總裁等官於禮部仍賜金幣

兵部尚書董漢儒憂去

廣東御史李立追論削籍太常寺少卿姚宗文閱視之後微  
詞隱刺使熊廷弼不竟其用薦王化貞斷送廣寧一劉國縉  
為宗文師盜餉倖官一劉朝行邊為誅閔撫一王猷挑釁西  
卜為宗文藏匿一賈繼春優待選侍為宗文挑激

辛亥右通政劉憲章為南京太僕寺卿河南右布政王豫為  
南京光祿寺卿

大理少卿范濟世予告御史霍鏌劾濟世附賈繼春謬說  
上不問




壬子故南京兵部尚書孫鑛贈太子太保廕監  
甲寅登萊巡撫袁可立言今二月總兵沈有容以生員金應  
魁所齎東師復州總兵劉興祚即劉愛塔密稟內應且求臣  
免死加銜牌票隨給去有容于三月十三日率兵出海援之  
其後續報皆云七月來歸始四月間以金州濱海人民從復  
州乃以王丙之故致露將愛塔并李永芳長子械去殺其弟  
劉興仁及王丙屠城驅其餘及于永寧蓋州四衛已空其三  
沿海四百里之地彼盡去之而不據僅遺西卜千人當斯時  
也來寧前在防之衆朝鮮助兵之初大兵出關東下旅順特

角夾攻恢復可圖但須審勢耳

乙卯南京吏部尚書何熊祥終養

丁巳以玉牒成駙馬都尉侯拱辰子昌胤廕監

貴州巡撫王三善深入大堪洪紅烏崗烏芒部苗望風而潰  
奢社輝安位焚毀大方竄火灼堡安邦考逃入織金三善遂  
屯大方前被陷進士田景猷叅將劉志敏前鋒楊明楷得還  
安位遣劉光祚赴鎮遠乞降總督楊述中許之令擒奢寅父  
子自贖三善以元兇未窮當用勦為撫由是督撫議遂不合  
八月己未朔安氏偽總兵何中蔚何應良陳勝八磔於市宗





步玉何年第宋祖胤丁氏等伏誅

內使王文進毆戴進忠死下司禮監餘付法司刑部尚書孫  
璋等請從法司不許

莊士元棄市士元為鄭養性及內侍劉朝草揭者

庚申大學士韓爌求如同官何宗彥例移贈本生祖父少傅

上命特給

吏部左侍郎王舜鼎為工部尚書

朝鮮昭敬王妃金氏請封下部議

辛酉故禮部尚書徐學謨孫元啟乞補廕許之

癸亥順天府丞王惟儉大理左少卿

甲子火星出斗魁犯狗國

乙丑發帑十萬金餉關門

右諭德錢龍錫為南京侍讀學士

江西按察副使林恭章為雲右叅政

丙寅貴州道御史胡良機請罷內操慎考選裁徐州總兵召

還蕭如薰主京營 上以徐州總兵聽部議餘報有旨兵部


覆暫仍俟後從之

丁卯大學士朱國禎釋奠太學

國權

天啟三年

三



巡視布花禮科給事中郭興言以戊卒賞給布花愆期至正月報竣將何以禦寒今後省直起解本年九月全完十月初給散又該部歲賞踰二十萬臣謂戶部宜專委司官一同兵部令各營衛印官預造年貌冊監閱後之  
戊辰總督薊遼尚書王象坤以諸叩關請撫賞出帑金十萬同寺金十萬金給之  
庚午命大理寺丞方大鎮勅旌蜀王奉銓及太平汶川二王仍賜奉銓金綺立坊以捐餉助守也  
故禮部尚書范謙贈太子太傅

辛未故推官郭象儀子光先廕本衛正千戶世襲

甲戌巡撫山東兵部尚書趙彥還朝

南京國子祭酒黃儒炳為南京吏部右侍郎

乙亥光祿少卿呂純如為順天府丞


故滕縣知縣贈太僕寺少卿姬文胤予祭一壇立祠

工科給事中陳爾翼言浙事織造料價一百一萬五千兩有

奇今虧額三十七萬八千五百有奇乞於十八運減數萬或

每年暫停一運不聽

山東道御史吳姓請還刑部尚書王紀御史王祚昌亦以為



言報聞

吏部會推刑部尚書王紀諭重處首司餘各罰俸輔臣揭免  
丁丑禮部尚書林堯俞言署會同館主事畢自肅呈稱頒賞  
三衛夷人近五百人其賞有正有補有正補加添共計萬金  
乃銀段衣服輒揀棄若不知為朝廷之賜職取而視之多朽  
蠹破壞手不可觸始嘆夷人驕悍固其天性抑誰寔藉之口  
也織造自有額價顧脫惡若此又玩球等國梯山航海而來  
正使賜袍金帶從人賜靴襖等物更不堪寓目豈所以宣皇  
恩而懷遠人也哉乞工部稽覈精好畫洗習陋 上是之

刑科都給事中曾汝召為太常少卿禮科左事中周朝瑞四  
川道御史張脩德為太僕少卿河南道御史馮三元為大理  
右寺丞

四川鎮平堡地震


南京浙江道御史曹汝蘭等言先臣薛惠效忠先朝驗封臣  
徐大相為乞表章 皇上厭請乞之多遂蒙降調似不宜邀  
棄不聽

順天提學御史左光斗言先年十一月間遺弓再泣臣與楊  
力爭移宮已求 皇上恩禮選侍疏寔與賈繼春揭同繼春

國權


天啟三年

十四



卒被嚴譴迨漣去繼春亦去又范濟世生平端謹祇緣引悞  
繼春剖心自明是繼春方出於借外而濟世不覺入于借中  
臣所為惜繼春并惜濟世也至詞臣文震孟鄭鄞等臣滿朝  
荐科臣毛士龍銓臣徐大相均當召還 上以瀆奏不問  
禮部尚書林堯俞言朝鮮昭敬王妃金氏疏稱李瑄積為不  
道淫侈忍虐蒸亂之穢行道掩耳而李瑄無利國之心方厭  
亂樂推聽其言似可為李瑄解矣然不有普天之英主在一  
介行李告于闕廷一廢一興誰曰不可而偃然易數十年之  
舊君奄有三韓則又不能為李瑄解也有請討者御史田惟

嘉也謂當討而再詰其詳登萊巡撫袁可立禮科都給事中  
成明樞也謂不可不討而不可遽討督餉臣畢自嚴也謂今  
毛文龍詰以大義察其輿情關臣潘雲翼南臺臣王允成也  
謂瑄誠通敵則保之立非篡者御史游士任也乃毛文龍謂  
瑄寔背德倖改其行誅黨惡助叛之臣臣等乞勅同兵部再  
遣貞士信臣同毛文龍公集舉國之臣民再四細詢如李瑄  
無悖逆通敵而李瑄篡立則王法自在誰得而寬如李瑄自  
絕于天親離眾叛李倖前不與篡弒之逆計後自值推戴之  
公情當再議之以請聖斷從之



禮科左給事中周朝瑞請慎擇朝鮮使臣時錦衣衛指揮僉  
事張道濬自請往朝鮮故朝瑞言之且及前孟養志宣諭不  
職伏狀下所司

戊寅復懷仁王府輔國中尉充爵俸初疏救劉光復  
故四川下川道副使贈光祿寺卿李繼周予祭墓

太常少卿胡汝政為右通政

己卯御史盧謙過庭訓為江西右叅政工科左給事中郭允  
厚為湖廣副使戶科給事中陳胤叢為湖廣叅議御史林一  
柱為廣東右叅議曹守勳為陝西僉事


辛巳命總督恭順侯吳汝胤等核京營

壬午余懋衡為南京吏部尚書曹于忬為吏部左侍郎時正  
推李三才馮從吾不用輔臣以為言不聽

前右贊善李標為右諭德纂脩寔錄

癸未禮科都給事中成明樞為太常少卿陝西道御史馮英  
四川道御史張師孟為太僕寺少卿

先是御馬監以郊祀所用五方纓甲等馬天啟元年疏請太  
僕寺寄牧二千匹發監調習至是上將親郊趣之太僕卿  
柳佐爭之言御馬監有三千餘匹每匹用軍二十人自萬歷



以來費何啻數百萬而不以供一日之用何也 上竟許千

匹

甲申日講官禮部右侍郎朱宗道以妻喪請假許之

吏部右侍郎鄭以偉為左侍郎大理左少卿王惟儉為右僉

都御史巡撫山東

奸人韓宗功伏誅初劉保獄詞及之至是獲于西城御史崔

奇觀

丙戌右庶子成基命直日講

南京戶部右侍郎于仕廉致仕

貴州都司僉書黃運清以解圍困叙功新撫王三善劾其貪  
殘縱卒淫掠擬贖二十萬濟餉從之


巡撫福建高周祚報琉球中山王世子尚豐表賀

左都御史趙南星申明憲職言臣無職也以諸御史為職諸  
御史皆稱職即臣之稱職彼出而巡方在舉劾得當舉劾之  
所以不當人務于市恩而莫肯任怨也不過曰此我之同鄉  
故舊不能恕也曰此權要之所託也是能報復不可動也不  
劾則須舉之又從而過譽之貪者廣于伯夷而酷者惠于子  
產則所劾皆貪酷而孤拙者耳又率多從寬故曰舉劾之不

國權

天啟三年

三



當以人務於市息而莫肯任怨也臣請以後按臣差滿將所  
舉劾令河南道將所舉劾發單細訪類送堂官必舉劾允當  
而後為稱職否則即以不稱職論廢場然猛省共圖百姓之  
安上大是之

御史劉璞劾冒濫詹事禮尚書蕭堂舉及光祿寺丞秦聚奎  
桂有根曾同升等 上以雲舉兩朝講官令來供職餘下部

議

九朔子朔己丑故右副都御史李同芳贈工部右侍郎詹監

庚寅 上視朝以寔錄成賜輔臣葉向高韓爌何宗彥史繼

借孫承宗朱國禎顧秉謙朱延禧金幣麒麟服鞍馬有差

兵部右侍郎余懋衡辭不任竟引疾去


戶部尚書陳大道致仕

辛卯御史游鳳翔臣聞人也聞自紅夷為崇數年築城彭湖  
以脅互市及中左所登岼寇掠倂以講和愚我以回航緩我  
今一年矣強敵入境可不為之寒心哉初紅夷寇六鰲炮碎  
夷舟四十七艘殲三千人又戰于科羅把總丁贊死之敗沒  
十餘人遂因官兵于彭湖且六月巡撫南居益憂之或獻計  
曰彼水戰難敵若陸鬪則不如我而日本帥李旦固聞人誠

國權

天啟三年

天




招之則彼否內助可圖也乃遣黑鬼數人入海携石陰係其  
柁因駕火筏燒之夷不能運舟而敗又誘之陸戰俟發銃即  
偃銃過報而為大敗之而李旦亦招之諭解紅夷去之  
壬辰刑科給事中解學龍言額餉當核額兵當清軍需當節  
馬兵當酌允將當裁若合天下而講求之亦有可得而言者  
高皇帝時文官五千四百有奇軍職二萬八千有奇 神宗  
朝文官增至一萬六千餘矣軍職增至八萬一千餘矣今日  
又不知增幾倍臣以為主爵者肯細心商度凡可裁者裁之  
縱不能盡如 祖制亦可歲得餉數十萬如布按二司其屯

田水利督糧清軍各道可以相兼而理每司裁一二員同知  
通判設至四五員每官裁一二員首領官有三員有四員每  
府裁二員教官則府學二員州縣學裁一員裁官則省俸且  
併糶皂公費而省之乞勅撫確查應裁之官員若干俸薪與  
馬若干皂快公費若干稽實冊奏每年隨京邊解貯餉部可  
也此文臣之可言者也餘及武職將兵吏役等 上是之  
癸巳戶部給事中陳良弼言防微于 聖躬防微于詔令防  
微于諫議防微于人才 上怒其輕率下鎮撫司  
滇師兩路援黔叅將袁善出平夷襲破土官營達于安南

國權

天啟三年

元





政使謝存仁出黃草堤各有斬獲安南衛自二年二月被囚  
至是始解

乙未左通政桂有根為太常寺卿

吏科給事中李春煒劾唐朗先任道撫五年侵餉十萬

丙申總督倉場戶部尚書李宗延還部太常寺卿南企仲為  
南京戶部右侍郎

戊戌陝西右布政吳士奇為太常寺卿


己亥吏科給事中蒲秉權以兵部侍郎劉日梧陞任逾年未  
赴兩京部寺亦多累歲逾限請勅該部覈品酌用餘或加銜

予告或開缺另銓至司道郡守違限則參處從之

庚子太僕少卿葉茂才為太常寺卿尚寶司少卿麻僖為太  
常少卿

刑部主事譚謙益薦楚黃異才宋明時秘授神符乞假軍師  
之令築壇推轂有旨下兵部主事鄒惟璉疏駁之自古及今  
未有使鬼役神而能破賊成功者毋令天下後世笑人宜洛  
送薊遠總督試驗果有才畧漸加名號出關未晚從之

辛丑太子少保禮部尚書林堯俞請定章疏之格惟據事直  
書按人定論即多亦不過五六百字而止 上從之



壬寅夜月食

太僕寺少卿胡世賞為寺卿

故四川總兵都督僉事晉江黃守魁贈都督同知詹本衛副

千戶予祭墓 死奢崇明之難

甲辰木星順行犯軒轅


鑄南京戶部鹽引印

己先是御史張素養按浙荐姚宗文邵輔忠劉廷元齊琦  
名等為臺長趙南星所糾奪俸五月至是素養諉之府道開  
報南星言若然則有道府足矣何必御史巡方請吏部重論

并罪道府從之

前太子太保戶部尚書兼文淵閣大學士吳道南卒道南崇  
仁人萬歷己丑進士授編脩在史局硜硜自好秉禮尤清執  
丙辰典試註誤被攻適艱去所著何渠志大政議贈少保廕  
中書舍人謚文恪

壬子擒設科於霑益別寨去霑益六十里守備郝太極密計  
欲圖設科以贖人段起麟可遣曲請道右叅議王鏐叅將尹  
啟易召議往返數月使其在別寨因夜襲之蓋安邦彥女弟  
安效良弟效熨婦盜魁也



十月未兵部左侍郎李瑾等覆萬曆四十五年以來延綏寧夏  
甘肅九捷皆奇功也宜告郊廟陞賞從之

談遷曰賞不逾時所以慰鬥臣而勵武節也自萬曆四十  
五年歷今幾何皆矣愁憐怨髮殆且半之瀆郊廟而叙陞  
賞樞臣曰例也邊人曰河清可俟末李雖叙功更卒未嘗  
有德色也

辛酉平遠總兵毛文龍報劉愛塔之死遣都司張盤潛師夜  
復金州今欲據金州圖三衛又滿浦昌城之捷斬百三十八  
級俘四人總兵沈有容報三日內統師出海彼已棄金州不

守又報六月張盤風入麻洋島舡壞居寄又報九月二日彼  
偵金城有人襲殺二百餘人張盤向在麻洋島敵燬其成塘  
報互異命核之登萊巡撫袁可立奏劉愛塔事泄而金州空  
沈有容以兵寡不可守而張盤入據聞金州有人率眾逼張  
盤于麻洋島此金州復而不復之寔也 上勅獎文龍賜百  
金蟒服勞吏卒三萬金

談遷曰張盤入金州敵所必爭島兵鼓行而前則金州可  
完兩帥俱怯坐墮成筭而猶嘒嘒稱功珍敵帛而寶破甑  
蓋蒙蔽者稔矣



鳳縣大鼠有肉翅飛食黍粟剖其腹貯升許

癸亥山東右布政李石為南京太僕寺卿光祿寺丞韋著為大理寺丞浙江右叅議錢春為尚寶少卿

叙平妖功進趙彥太子太保世錦衣衛指揮僉事賜百金蟒服袁可立進兵部右侍郎楊聲基右都督詹本衛正千戶金

五十緋幣二雙李養正等三百餘人各陞賚有差  
甲子袁善屢敗賊屯安南衛

丙寅廷讞李維翰楊鎬李如柏等九人出入長安右門俱舍人持械錄上聞之刑部郎中余繩訓主事洪聲遠副兵馬

改果張新聘並降謫

己巳皇長子慈煇生旋殤中宮出

禮部尚書林堯俞言謚典五年一舉自萬曆四十五年至于天啟二年例應訪採會議從之

戶部尚書李宗延言屯田太僕寺兼御史董應舉稱畿東屯地及多亦易為效所領帑金開荒止二萬餘收麥黍稻見五


萬五千餘石黑豆菽雜糧及涿州水旱子粒來報明效已見臺省文章請加節鉞有旨加銜巡撫

辛未大學士葉向高請今歲郊祀宜停刑未許

國權

天啟三年

三



談遷曰萬曆初命停刑張文忠力爭之而止天啟初債將  
黷臣方弁髦王鉞輔臣反陰為之地焉何也豈其帝德好  
生耶

壬申日講官禮部右侍郎周炳謨致仕

癸酉少詹事趙秉忠為禮部右侍郎直日講

左都御史趙南星為吏部尚書前太常少卿陸卿榮起南京

甲申葉向高等仍請停刑

貴州總督楊述中奏副總兵左世選等破安氏碗蛤壘羊雀  
壘等俘斬千二百餘級獲人畜亡筭

大理寺丞毛一鷺為右少卿

乙亥京師地震

南京太常少卿岳元聲為太僕寺卿尚寶少卿劉定國為太  
僕少卿

丙子葉向高等固請停刑許之

丁丑轉漕粟十萬石餉毛文龍

己卯皇次子慈煇生 慈妃尤氏出

癸未 上告太廟已刻日生重暈暈旁生左右珥

徵戶部二十萬金固金十五萬光祿寺順天府各五萬頒賞

國權

天啟三年


孟



乙酉巡視光祿戶科給事中陸文獻言本寺見金五萬五千  
有奇今徵五萬寺臣何喬遠衡命不敢盡進不得已進三萬  
金猶未蒙俞旨望 皇上矜允命下部議  
雲南巡撫閔洪學言粵之外尚有蜀會川一徑自金沙趨建  
昌計程半月可達誠不若粵土司界中遲險數旬然蜀上會  
川一隙而粵西田州歸順泗城安隆在在可走乞粵蜀並開  
道從之


閔卅丁亥朔督師大學士孫承宗言若失遼左必不能守榆關  
失覺華寧遠必不能守遼左臣敢再閱三百里情形以志守

之畧臣九月八日自關東發過八里鋪抵中前所共千五百  
有奇士殊銳馬殊壯居人可三千又一日抵前屯其協將趙  
率教遠望其獲田耒畷若鵝鴨之群百千欲來登其障城且  
歸然力能使其人勞而不怨兵民可六萬更勇于公戰奪胡  
騎四十二折其首首者三使建卜跋跋不敢踰固將材也又  
一日抵中後所又一日抵中右所中後所城工不加前屯而  
砲火器具俱精堅且地饒多賢兵民不下萬餘中右地饒於  
中後城內築可三面又一日抵寧遠初臣以寧遠去關愈遠  
去卜愈近且城大而暇地廣而荒姑以祖天壽司版築汪蕭




司窰造後先接河東之人萬餘合兵民不下數萬登城四望  
生氣鬱然因思為國家遠計則此城為必據必爭之地又次  
日向覺華島、去岍十八里而近地瀕海而肥可也登岸之  
兵次日遍歷洲嶼則西南望榆關在襟佩間獨金花之水兵  
與運艘在土人附夾山之溝而居蓋水陸要津也其舊城遺  
跡可叱丘二萬石先令龍武兩營分哨覺華特於山巔為臺  
時眺於數百里外次日還寧遠又次日閱湯泉可也亦兵然  
不若望海臺北望首山旁之黃毛山南望覺華之靺鞨口劉  
家山相對如門其南麓入海可為堡屯萬餘人而北之砥起

者曰望海園故臺也南接覺華島各駐一軍則水道可絕又  
次日出寧遠二十里至雙樹堡又十里至連山堡又十里至  
單笠山其巔可立為炮臺望大紅螺可百里杏山則三十里  
其近則西去瓦窰衝九百步東南去鎮倭堡三千六百二十  
七步而海環其三面又東南有徑而險臣于先一日期金冠  
會于葫蘆套套在鎮倭臺南而臣從陸冠從水議于套可設  
水信特令冠習風色以便策應而瓦窰衝東有東寧伯焦禮  
所為寺可設山伏以西應沙河北應樅木衝南連單笠山以  
及于海又北為塔山即中左所在衆高之下又東北為杏山



亦平衍無可守由椴木衝而西北為紅螺山迤邐東南抵威遠山後其東接康家山臺折而東南為蠟子山遂至首山其與玲瓏山相夾處當大道之衝可立關城名以寧遠北接蠟子山中有平原河水環其前可為堡西北直接康家臺撫臣從臣初議仍置安山灰山于中灰山不可燬而隨在石有薪其西擬威繼光脩薊門法為臺垣以收此二百里為內鎮而山海不覺在重垣之內總之以脩築因遼山以策應因遼海以守土因遼人以養人因遼土以斟酌遠近分播控扼因後先遠之大吏臣去歲高度惟有開屯一法可因土食民今總

令總計五城十二堡兵民不下十餘萬田可五千餘頃臣與督撫計以帑金買牛其他耕具糧料俱為儲蓄仍令胡維寧趙佑同各城堡官大集舊人覈其原隲肥磽伍士多寡之數民力能占種者許以三年起科又督撫諸臣議因煤鑄錢因地煮鹽因舡通用物皆開門稍行之而效者臣繇連山回遂住前屯允戰守之具足關門之用則漸移于外待前屯既脩便可以脩前屯者脩寧遠矣 上大是之初承宗至寧遠同監軍袁崇煥主事鹿善繼力主守遠任滿桂鎮之叅將高見頌謙祖天壽築城明春期竣





辛卯吏部左侍郎蕭雲舉為禮部尚書署詹事府太常寺卿  
署國子祭酒南師仲為禮部右侍郎協理詹事府右庶子黃  
士俊為詹事施鳳來為少詹事

神廟清惠順妃李氏祔葬銀錢山

恭順榮莊端靖皇貴妃旁

壬辰兵科都給事中趙時用言濟黔楚餉額欠五十餘萬不  
宜責成楚撫及楚藩司暫那借轉發又所謂泗南諸土兵狼  
子野心不可倚信宜如粵撫何士晉議止用板角安龍兩路  
官兵間道以分賊勢而遵義為水蘭之衝須重兵扼之大兵  
則入陸廣漸逼賊巢今未可據撫也得旨楚餉如故餘下部

己未大學士葉向高擬恩詔請收降謫翰林科道各官如文  
震孟鄭鄮毛士龍侯震賜熊得陽賈繼春江秉謙七人上  
以震孟難遽釋

福建道御史周宗建論銓政一用人之途宜闢一用人之路  
宜清一用人之權宜專一用人之法宜一上是之  
御史劉維忠等言門軍數百窘辱御史趙延慶宜懲治下部  
速核

南京兵部尚書陳道亨等言陳鼎相以女適齊人庶睿熾鼎  
相自負知兵法謂睿熾齊王苗裔足聳動天下謀舉兵幸鼎

